

曾國藩書牘



曾國藩讀書記目錄

一 讀經

周易

周官

儀禮

禮記

左傳

國語

穀梁傳

爾雅

詁訓雜記

二 讀史

史記

漢書

漢書

後漢書

三國志

通鑑

文獻通考

三 讀子

管子

莊子

淮南子

四 讀集

楚辭

陳思王集

阮步兵集

陶淵明集

謝康樂集

鮑參軍集

謝宣成集

李太白集

杜少陵集

陸宣公集

韓昌黎集

昌黎外集

柳河東集

白氏長慶集

李義山集

杜樊川集

孟郊集

元豐類稿

東坡文集

東坡詩集

山谷詩集

蘇東坡集

蘇子文集

元道山詩集

陽明文集

望溪文集

孫文定集

文選

古文辭類纂

駢體文鈔

廣韻

曾國藩讀書記

二讀經

周易

晉——上九，同孚裕无咎。裕，難矣！中庸「明善誠身」一節，其所謂裕者乎？
家人——上九，有孚威如。有孚威如，即論語「望之儼然」意。要使房閨之際，
僕婢之前，燕昵之友，常以此等氣象對之方好。

象曰：「威如之吉，」反身之謂也。治家貴嚴，嚴父常多孝子；不嚴，則子弟之
習氣日就佚惰，而流弊不可勝言矣！故易曰：「威如吉。」欲嚴而有威，必本於莊敬，
不苟言，不苟笑。故曰「威如之吉，」反身之謂也。

睽——凡睽起於相疑，相疑猶如自矜；明察我之於某君，其如上九之於六三乎？吳

氏謂合際之道，在於推誠守正，委曲含宏而無私意猜疑之弊。戒之勉之！此我之要藥也。

中孚——讀中孚卦，因思人必中虛，不著一物而後已，其實無妄。蓋實者，不欺之謂也；人之所以欺人者，必心中別著一物，心中別有私見，不敢告人，而後造偽言以欺人。若心中了不著私物，又何必欺人哉？其所以自欺者，亦以心中別著私物也。所知在好德而所私在好色，不能去好色之私，則不能不欺其好德之知矣。是故誠者，不欺者也；不欺者，心無私著也；無私著者，至虛也；是故天下之至誠，天下之至虛者也。當讀書則讀書，心無著於見客也；當見客則見客，心無著於讀書也；一有著，則私也。靈明無著，物來順應，未來不迎，當時不雜，既過不戀；是之謂虛而已矣，是之謂誠而已矣。以此讀无妄中孚咸三卦，蓋扞格者鮮矣！

寂然不動——「神明則如日之升，身體則如鼎之鎮，」此二語可守者也；惟心到靜極時，所謂未發之中，寂然不動之體，畢竟未體驗出真境來，意者只是閉藏之極，逗出一點生意來。如冬至一陽初動時，乎貞之固也，乃所以爲元也；蟄之坏也，乃所以爲啓也。

；穀之堅實也，乃所以爲始播之種子也。然則不可以爲種子者，不可謂之堅實之穀也。此中無滿腔生意，若萬物皆資始於我心者，不可謂之至靜之境也。然則靜極生陽，蓋一點生物之仁心也；仁心不息，其於天兩地之至誠乎！顏子「三月不違」，亦可謂洗心退藏，極靜中之真樂者矣！我輩求靜，欲與乎禪氏入定冥然罔覺之旨，其必驗之此心；有所謂「一陽初動，萬物資始」者，庶可謂之靜極，可謂之未發之中，寂然不動之體也。不然深閉固拒，心如死灰，自以爲靜，而生理或幾乎息矣！況乎其並不能靜也，有或擾之，不且憧憧往來乎！深觀道體，蓋陰先於陽信矣；然非實由體驗得來，終掠影之談也。姑記於此，以俟異日。

夫易，聖人之所以極深而研幾也。研幾工夫最要緊，顏子之有不善，未嘗不知是研幾也。周子曰：『幾善惡。』中庸曰：『潛雖伏矣，亦孔之昭。』劉念臺曰：『卜動念以知幾。』皆謂此也。失此不察，則心放而難收矣！

周官

天官大宰——八曰「官計以弊邦治。」注：弊，斷也。小宰「六計弊羣吏之治。」
秋官「大司寇以邦成弊之，小司寇以輔衆志而弊謀。」弊，皆斷也。士師斷獄弊訟，弊
斷字平列，弊亦斷也。蔽亦有斷義：小爾雅「蔽，斷也。」論語「一言以蔽之。」左
傳「蔽罪邢侯。」

歲終，則令百官各正其治受其會，謂一歲之大計也。

清五月，各省進奏銷冊，即歲會也。小宰，令羣吏致事。注云：「使齋歲盡，文
書來至。」

小宰——四曰：「聽稱責以傳別。」注，傳別謂爲大手書，於一札中字別之。如
今之合同，中字裁分，各執其半，又如兩聯票矣。

七曰：「聽賣買以質劑。」謂兩書一札，同而別之；長曰質，短曰劑。

此即今之兩聯票也。一札而左右兩書，皆同其中，別之處作數大字，即今之編號
也。

宰夫——敍羣吏之治，以待賓客之令，諸臣之復，萬民之逆。注：鄭司農云，復，

請也；元謂復之，言報也，反也。反報於王，謂於朝廷奏事。按：復，白事也。孟子「有復於王者曰」，曲禮「顧有復也」，大司寇「凡惇獨老幼之欲有復於王者」，皆謂白也。先鄭於司士，注云，逆獨受下奏於宰夫。注云，逆，謂迎受王命者。後鄭於宰夫，注云，逆謂上書，自下而上曰逆。國藩謂：復，逆，一也。復者，有白於上也；逆者，有干請於上也，亦即白也。宰夫曰，諸臣之復，萬民之逆；司士曰，諸侯之復逆；小臣曰，三公孤卿之復逆；御僕曰，羣吏之逆，庶民之復，皆以達下情也。

凡失財用物辟名者，以官刑詔冢宰而誅之。注，辟名，詐爲書以空作見文書，與實不相應也。按：名猶俗曰認。呂后本紀「詐取它人子名之」。此亦無其物而僞作文書以詐名之也。

賜之殯，牽，與其陳數。注，殯，牽，客始至所送禮。殯，客至而送酒席也；牽，則兼送豬羊矣。左傳「餽牽謁矣」，亦有餽有牽也。

內襄——「烏鵲色而沙鳴。」注，沙，澌也。按：病人失音者，可謂之沙聲。

鼈人——「凡鼈物。」注，自鼈藏伏於泥中者。按：自遁藏伏之物，皆可名曰鼈。

物；猶曰鼠伏，曰狙伺。

地官大司徒——「其民專而長。」注，專，圓也。按：專，徒九反，讀如團，謂面圓也。

鄉大夫——「五物詢衆庶。」注，鄒司農云：「詢，謀也；問於衆庶，甯復有賢能者？」按：上文已獻賢能之書於王矣；鄉大夫退而再詢，此外更有賢能者乎？使衆庶更舉之。

廛人——「總布。」注，杜子春云：「總，當爲僦，謂無肆立持者之稅也。」

按今世手持貨物者，若抽取釐稅，則苛矣！

遂大夫——「屬其地治者。」注，屬，猶聚也。史記屈原屬草藥未定，左傳屬有

宗祧之事，猶值也。

春官大宗伯——「以醴辜祭四方百物。」注，醴胸，牲也。醴而礲之謂醴，攪及蟠

祭。按：醴胸猶破也，折也，謂破牲之胸也，所以禳災。詩「不折不副」，副，卽醴也。

肆師——「及果饗饗。」注，饗，饗饗，香草養以爲饗。按：饗養同字，香草，饗金也。饗，如今俗云搗碎搗而養之，以和于菹醢之酒也。

鬯人——「鬯門用瓠膚。」注，膚，讀爲齊；取甘瓠割去抵，以齊爲尊。按：割去抵，割去瓠中之瓠子也，卽莊子之「剖瓠以爲尊。」

天府——上春釐寶鎮及寶器。注，釐，謂殺牲以血血之。此與「解衣衣我，推食食我；」「春風風人，夏雨雨人；」字法相同。

典瑞——「四圭有邸，以祀天旅上帝；兩圭有邸，以祀地旅四望。」四圭有邸者，於一玉之中，中央琢爲璧，四面各琢一圭；圭之末，四出其本爲璧。邸者，本也，抵也；兩圭有邸者，中央琢爲璧，兩頭各琢一圭邸，如足之相對也。

司服——「麻衣服。」注，麻衣服，所藏于篚中。疏，此則明器之衣服，亦沾而小者也。鍾師厭管鼓，籥師厭羽籥，典庸器厭筍虡，司干厭干盾，眠瞭厭鍾磬，司兵厭五兵，皆明器也。

典同——「高聲稱。」注，高鍾形，上大也；高則形上藏衰然旋如裏。按：鼗聲在

鐘裏旋轉不散也。硯，卽聲之硯硯然。

眠綬——「三曰綬。」注，謂日旁氣刺日也。按：氣如錐之直刺也。漢書翟方進傳，故使掾平綬令，亦謂刺取其劣蹟也。

大祝——「三曰禋。」注，禋，祭名，告有災變也。天官女祝有禋，亦除災害也。春官，大宗伯有禋禮，謂同盟有喪失財物者，謀補救之也。

「辨六號。」注，號謂尊其名更爲美稱焉。古者，凡物皆立之名，辨號，卽正名也。

「來簪令皋舞。」注，皋，讀爲卒；嗥呼之噪，來噪者，皆謂呼之入。按：來，讀爲徠。東坡志林謂若「優施來之，趙高來之」是也。左傳魯人之皋，皋，緩也；禮連，皋某復，皋，引長聲也。

巾車——「錫樊纓。」注，錫，馬面當盧，刻金爲之，所謂鑲錫也。鄭司農云：「纓謂當胸，元謂纓，謂馬鞅。」按：錫，卽莊子之所謂「月題」，當胸在腹之上，卽鈎膺之處也。鞅，則夾馬頸者。

疏路，大也，王之所在，故以大爲名。諸侯亦然，左氏義以爲行於道路，故以路名之。若然，門寢之等，豈亦行於路乎？按：王之五路，玉路，金路，象路，木路，革路；皆大之也。載置之車曰圖路，亦大之也。又鼓人有路鼓，亦與路車路馬同一尊大之稱。

「凡良車散車不在等者，其用無常。」注，不在等者，謂若今輜車後戶之屬，作之有功有沽。按：凡曰功，曰攻，曰工，曰堅，曰緻，曰精，曰良，皆器之善也；凡曰苦，曰窳，曰楮，曰沽，曰鹽，曰粗，曰蠹，曰疏，曰散，皆器之惡也。

司常——「通帛爲旌。」注，通帛，謂大赤，從周正色，無飾雜帛者。按：九旗之帛，皆用絳，持中畫他色耳；此不畫者，卽曰通帛。

夏官序官——「環人。」注，環，猶却也，以勇力卻敵。按：環人，掌察軍器，巡邦國，搏謀賊；蓋周環巡視之意，殆如今之巡捕矣。

羊人——「賓客供其灋羊。」此法字義，與法駕法從法宮相同。

司兵——「掌五兵五盾。」注，五盾，干櫓之屬，其名未盡開也。「司戈盾，及舍

設藩盾，行則斂之。」注，藩盾，盾可以藩衛者，如今之扶蘇，與說文盾斂也。所以捍身蔽目。揚子方言，盾自關而東，或謂之斂，或謂之干，關西謂之盾。說文，櫓，大盾也。玉篇，櫓，城上守禦望樓，謂會，戰陣高巢車亦爲櫓。太公六韜，陷堅陣，敗強敵。武翼，大櫓提翼小櫓。是干也，盾也，櫓也，其制不可得而盡見；然大抵干盾形製較小，一手執之，可以衛身蔽目，藩盾則形製自大，或二三人執之不等。城上望樓之櫓，則一方倚城，三方必有遮蔽；戰陣巢車之櫓，則一方出入，三方必有遮蔽，與盾之僅蔽一面者異矣。至六韜之大櫓小櫓，則亦僅蔽一面，差同干盾也。通鑑「晉義熙八年，劉裕至荊州伐劉毅，軍人擔彭排戰具。」梁普通五年，北魏將崔延伯等既破莫折天生，進擊方俟醜奴於安定，別造大盾，內爲鐵柱，使壯士負以趨，謂之排城；置輜重於中，戰士在外。」唐代宗初，立僕固懷恩等破史朝義於洛陽，馬璘單騎奮擊，奪賊兩牌，突入萬衆中，賊左右披靡。」國藩按：劉毅之彭牌，馬璘之牌，卽古之盾也；崔延伯之排城，則較大矣，殆與周禮之藩盾，六韜之大櫓相類。

田僕——「設驅逆之車。」注，逆衝還之，使不出圍。

衝還，謂遮列之。職方

氏——其畜宜六擾。此卽左傳擾龍之擾。

擯人——使萬民和說而正王面。此面字與書之面稽天若謀面，用丕訓德，均不甚可解。

秋官大司寇——使州里任之，則宥而赦之。此卽今令人取保，乃釋放犯人也。

「凡庶民之獄訟以邦成弊。」注，邦成，若今決事比也。今六部皆查成案，刑部又有比案，卽邦成也；士師掌士之八成疏，八者是斷事成品式。

朝士——「凡盜賊軍鄉邑，及家人殺之無罪。」注，若今時無故入人室宅。按：家人，卽庶人也。魯世家爲家人，晉世家遷爲家人，皆庶人也。

野廬氏——「比國郊及野之道路。」注，比，猶校也。按：比，猶言展省也，今世曰稽查也。

司儀——「不朝不夕。」注，不正東鄉，不正西鄉。爾雅「山東曰朝陽，山西曰夕陽，」卽以朝夕爲山名也。「春朝朝目，秋夕夕月，」卽以朝夕爲祭名也。

冬官考工記——「車軫四尺。」注，軾輿後橫木。按軾當在車箱之底，輿底之軾